



DEO OPTIMO MAX.
UNI ET TRINO,
VIRGINI DEIPARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Jovis,
vigesimâ-quartâ Martii, 1729.*

M. URBANO LEAULTÉ,
Doctore Medico, Præsîde.

An SAGOU Phthisicis prodest?

I.



QUANTUM à morbo distat sanitas, curatrici tantum præstat Medicina conservatrix. A conjecturalis scientiæ opprobrio, Medicinam planè vindicat diætæ necessitas. Variis in temperamentis, variis in ætatibus, vario in sexu, variâ in conditione, varius est rerum non naturalium usus. Non est in sanitate ac in convalescentiâ idem: in hac alius, alius in morbo est; quin & quot morborum, tot peculiaria diætæ

A

genera. Suos habent morbos magnates, & plebei, otiosi & opifices, habent & suostemperamenta, sexus & ætates. Ita juvenilis ætas, in sequiori præsertim sexu Phthisi maximè obnoxia fit. A Parentibus hæc labe contaminatis, ad natos quandoque produci-
tur; infausta hæreditas! Matrem simul & infantem sæpè truci-
dat, eodemque mandat tumulo. Quos officiosa Phthisicis addi-
cit sedulitas, sæpe-numerò contagiosa laceffit; uxorem & mari-
tum eodem telo plerumque conficit horrida. Morbo alio ægro-
tantis per venas sæpè perfida serpit. Corporis partes vel omnes
consumit: vel stragis quam edit theatrum, pulmones constituit.
Acuta fit cum brevi armata ferit ac celeriter necat; chronica-
vè, cum omnes corporis partes sensim delet ac depascit. Hieme
sævit & Æstate, Vere & Autumno; pulmonaris tamen Vere, ut
plurimum exitialis est; universalis verò tabes Autumno exaspe-
ratur. Inter Phthisicos primordia, magis præsentit Medicus quam
pronuntiat. Facies pallida, gengivæ albæ, cutis mollis & squa-
lida, cibi fastidium, universos per artus spontanea lassitudo,
tetrum inter odorem scissa vox, Phthisicos sunt prodromi. Mor-
bum hunc simplicem ne crede; gradus ille habet inter se diffi-
tos. Febrili cum calore, serotinis præsertim horis, sensum obre-
pit, titillationis cum sensu in thorace, atque siccâ cum tussicu-
culâ, quæ nihil emolitur. Post modum, tussis ad auroram exa-
cerbatur; statim sincera, subamaraque sputa prodeunt: mox
tenuia & salsa; excreanturque lapilli. In Phthisi incipiente, co-
mes frequens dolor in latere: vix spiritum ducendi fit libertas;
pulsus hinc tensus & exilis. Nonnullos commovent molestæ ster-
nutationes. In quibusdam molestant hæmorrhagiæ, atque sto-
machi morsus. Febris fit erratica: cum lienis dolore; accedunt
urinæ fursuro sæ, ac rubræ. Sitis guttur angit. Importuna tussis
ægotantem affligit. Eliditur quoque in faucibus spiritus. Sæpius
dulcia, alba, spumantiaque fiunt sputa. Ore polluto assumun-
tur dapes; sequuntur anhelitus & febris hæctica, interdumque
assumptorum vomitus: cum tussi, per quam mucosa ac lubrica
tunc facilius ejiciuntur sputa, sanguinis striis sæpè commixta.
Quandoque tussis in instanti, quiescit pulsus, statim verò in-
crescit. Somni initio perturbantur Phthisici, præcípites ab alto
fremebundi quasi desilirent ac immergerentur: somni autem sub
exitum, capitis & colli sudatiunculæ infestant, atque arida pe-
dum molestat siccitas. Per noctem penitus dejicitur spes: manè

verò mirè resurgit. Insuperabile stat fastidium: vel avidè appetuntur cibi; at vires hic non reficiunt, imò corporis infractionem, febrilemque calorem augent. Hæc cum scdâ intestinorum lævitate, vulgò conjuncta advertis. Lurida est facies: scapulæ sunt alatæ: per omnes inspirationes narium pinnæ contrahuntur. Oppressio fit pectoris ponderosa, ante & retrò, periodicè pungens. Desperatam tunc esse rem intelligito. Eò acerbiora autem omnia symptomata, si sit thoracis collapsi angustatio atque gibbositas. Plurimus per respirationem fit strepitus; pectorisque cavum ex tussi resonat. Jam respirationis modum sequuntur pulsûs *pulsus*: pulsus autem quandoque fit serratilis. Interea, corporei habitûs, universalis fit consumptio, dum concavantur tempora: rigidæ invertuntur auriculæ: umbroso rotantur in antro oculi: consuuntur buccæ: protuberantes in quibusdam rubescunt malæ: depressa sunt labia, ac dentibus affixa: os patulum est, aphthisque spurcis stipatum; atque exardescunt fauces. Jam capilli desuunt: incurvantur ungues pallidi: fitque totum strigofum corpus. Vides? quæ calamitas! postea, superficiali lævi, inæqualia sputa cœnosa, cinerea, purulenta, luthea, viridia, sub-cærulea, ferruginea, sub-nigra: vè prodeunt. Ipsa si in aquâ injeceris, huic quasi immisceri, statimque fundum vasis petere, videbis. Si verò prunis superfundas, nares fœtore gravi illos ferire senties. Ipsi verò immixtus violarum syrupus, virescit. Tandem in unum latus per decubitum, dolor tendens molestat, acerbiorque fit tussis, quam in alterum. Nulla acquiritur quies: omnia in pejus ruunt. Mira tamen est cogitandi & loquendi libertas, atque flagrans salutis desiderium ac spes: nequâquam. Si sputa prodire desinant: si nubecula oleosa urinis innater, cum sudoribus nocturnis, atque colliquativo alvi profluvio; præcipuè si pedes, si manus intumescant, placida brevi sequitur mors, quæ cita & certa etiam ab initio morbi, si huic accedant variolæ. Nec priùs victimam mactat crudelis, quàm nutritium succum totum sugerit, infecerit: vè Phthisis. Hujusce luis curatio tentanda: ne est venæ sectione? nonnisi in hæmoptysi, aut in febribus quas vulgò excipit Phthisis, instituenda. Tunc extractus sanguis, valdè calidus, tenuis, rutilus ac dissolutus est. Pharmacis ne? apage. Monstrum demulcere tutius, quàm aperto Marte adoriri, est. Feret omne punctum victûs ratio. Sit medicamentum in alimento copioso, blando, humectante, atque detergente.

PHTHISIS eò magis extimescenda; quò plura nos huic obnoxios faciunt. Ab aëre ipso, vitæ aliàs incentivo, si marinus est, palustris, aut carbonum fumo oppletus, accersetur Phthisis. A naturali vel pulmonum infirmâ constitutione, ortum ducit, dum sensim contabescunt vitio nutritiæ lymphæ; ubi hæc minùs fluida, magis terrestres, & nimis glutinosa, in tenerâ pulmonum compage lentescit, ipsiusque moles aggeritur: hinc sequuntur obstructions, calor augetur, lapillorumque concretio fit. Pari ferè ratione, ubi sanguis cœnosus, ac iners, pulmones opprimit; ubi motu inordinato per sua vasa fertur ille, simul-ve in lymphatica intruditur, concipiuntur tubercula, vel suppuratura, & tunc pulmonis vomica fit, ut plurimùmque accrescit pleuræ, pulmonum alteruter: vel non suppuratura, sed sensim incrementa, spiritûs vias præcludunt, tandemque ægro- tantem perimunt. Præter hæc, si in pulmones pituosa effluat colluvies, hujus salsedo illos irritat, atque convulsionis motu ipsi agitantur; hinc suâ ab indole, nutritia desciscit lymphæ; hinc quasi muriatica fit; hinc *diuturnâ* parit: succedunt ulcuscula: sequitur febricula quâ corpus universum liquefcit. Humida hæc illuvies, si per medullam oblongatam, spinalemque defluit, scapularum inde & lumborum fit dolor; interioresque capitis partes vacuæ videntur ipsi esse: depravantur simul succi nervorum, hi non nutriuntur; sequitur tabes dorsalis. Ubi supra coxendicem illa tantùm effunditur, post diuturnum dolorem, crus tabescit. Renalis autem producitur tabes, cum suppuratus, spinamque circa intumescens fuerit Ren. Præter hæc, ubi antecesserunt malè sanatæ pleuritides, peripneumonix, variolæ, aut morbilli, sæpè accedit Phthisis; quatenùs his incensus sanguis, aliquâ ex sui parte, in ichorem purulentum convertitur, partes quibus hic insidet, adurit & vicinas serpendo depascit; venitque in periculum lien, si unâ impugnet æstas: hinc febris fit hæctica. In quibusdam per fœda ulcera, altor subtrahitur succus, tabo polluitur sanguis; hinc putrida fit febris. In alijs, per gonorrhœam, per fluorem album, nutritia evanescit lymphæ; hinc corporis contabescit habitus. Ubi per inediam maxima fit succorum deperditio: ubi per hæmorrhagias majora inanita vasa corporis liquores avidè sorbent, alibiles deprædantur succi; hinc

corporis ambitum alluere desinunt; hinc propriae substantiae consumptio sensim succedit. Vel in strumosum mezentereum chyli praeccluditur aditus; hinc sanguis & humores nutrimento suo fraudantur, effecti fiunt. Quin-etiam Phthisim saepe creat nimia sanguinis copia. Quæris, quid possit ad tabem πνεύμα? audi. Ipsa fiunt πνεύμα, has sequuntur ulcera. Vel sanguineorum vasorum ruptio cum non sit, omnis corrumpitur secretionum ordo, dum liquores copiosi nimis ad ostia vasorum secernentium confertim affluentes, sanguinea extendunt vasa, horumque comprimunt latera: sicque vasorum lymphaticorum aditum sibi ipsis intercludunt; hinc obliteratur nutritionis opus, tabescitque corpus. Ubi in liene diffusus est sanguis, ille floret, corpusque tabescit. Quid plura? quæ solitas evacuationes supprimunt; quæ fluxiones commovent; quæ corporis succos dispergunt, absumunt, corrumpunt.ve; uno verbo omnium morborum causæ Phthisim inducere valent. Sic indicantur quæ sint nocitura, quæ profutura sint, quibusque auxiliis vincere natura possit. Nil moreris; veneni effectus noscis: remedium accipe.

• I I I.

PHTHISICAM labem, sæpius quam Galli, experiuntur Angli. Diligentius inde remedia quæ ipsos à Phthisi incolumes præstarent, investigarunt. Jam ab hinc ferè sæculo, per orientales oras navigantes, in præsentissimum in tabe solarium inciderunt, hodie verò Londini per vicos & plateas venditur: Parisiis autem omnibus penè ignotum est. Ex arboris trunco depromitur. * Arbor hæc palmam repræsentat, passim in Indiis orientalibus reperitur, caudice surgit quadraginta & ultra pedes altâ. E terrâ primò erumpens, sub dio sine caudice conus est. Prima coni tegmina foliacea sunt. Ab horum sinu subindè emergunt folia pinnata, spiculisque armata. Inter hæc ecce novus exurgit conus fructifer. reflexos hic sensim exhibet ramusculos fructibus ornatos. Fructus rubescens prunum adæquat. ramusculi fructiferi, cum foliis ac foliaceis coni tegminibus, decidui, extuberantia sui stigmata relinquunt; sic quotannis prominentem exhibent annulum: sicque assurgit caudex. Ut plurimum sesquipedalis est, hujus diametralis crassities. Centum & ultra extuberantibus annulis distinctis circumdatur. Cortice squamoso extûs cinereo; intûs purpureo vestitur. Lignum albicans, medulla autem

fusco-albicans & farinacea est. Hanc Indigenæ strenuè contundunt, deinde aquâ maceratam, per pannum transcolant; postea subsidere permittunt, claramque effundunt aquam. In ipsorum nutrimentum cedunt remanentes sæculæ; ex his placentas effingunt, atque in panem excoquunt: illas-vè exsiccant fæces, & in grana committere sciunt; hoc apud Indigenas SAGOU nomen audit. *Kipou* species flavo-subcœrulea est. Huic sapor suavis & aquosus est. Evidentem nullum spirat odorem, ne quidem ignibus inspersum. Hujus uncix duæ in aquæ limpidx uncis sex præmaceratæ, primum igne luculento, additis per gradus, lactis vaccini decem uncis, tum molliori igne excoquitur in pul-tem faciliè forbilem & suavissimam, cum aliquo mellis vel sacchari temperamento, præcipuè si aquâ simplici absque lacte paratur. Facilis digestionis cibus est, æqualis, maximè analepticus & humectans. Mediante ipso specialiter fluxiones summè sistuntur, ulcera detergentur, cicatrixque promovetur.

* Vide Hort, Malab, Tom. 3.

I V.

NIHIL intentatum reliquit gula hominis fame pressi, vel industrio luxu abrepti. Ex universis quæ terra profert, alimenta sibi parat animantium cupidissimus. ex plantis, ex animalibus, quin & ex fossilibus condiuntur dapes. Illa inter humano generi alendo congrua, primas faciliè tenent fruges; & quò longiùs ab ipsis cœtera recedunt, eò longiùs à legitimo nutritionis scopo deflectunt. Hinc fossilia ad id minùs apposita: animalia magis. Inter hæc deteriora carnivora; meliora quæ plantis pascuntur. Atque ex his eligendæ partes quæ ex plantis minùs immutatis constant, ut est lac. Communis animalium cibus, fruges. Ex ipsis simplicissimæ, saluberrimæ, ac suavissimæ depromuntur dapes. Alimentum simul & medicamentum exhibent; ut alimenta, fruges omibus naturis sunt utiles; ut medicamenta, intemperatis cujusmodi sint, sua cuique in frugibus stat opposita & salutaris materia. Medium tenent plantæ fossilia inter animalia. Fossilium nativam principiorum simplicitatem plurimùm imitantur fruges, sed fixæ minùs; ipsæ autem tubulis jam instructæ, animalium quasi rudimenta sunt: at verò suis in principiis minùs dissidentes illæ, corruptioni non æquè obnoxix fiunt. Animalium principia, motu & calore nativo plurimùm

exaltantur; hinc summa carniū ad corruptelam proclivitas; hinc lienteria, dejectiones foetidissimæ; hinc colliquescent humores; hinc ulcerum sordities augetur; hinc febriles concitantur æstus; hinc totum liquescit corpus. Pisces porrigis? dulcis reverà & facillè superabilis esca: at citò in putredinem labuntur, & ipsis effœta fiunt recrementa. Alimenta autem ex plantarum familiâ deprompta, molli ac benigno calore corpus fovēt; acria quævis demulcent; secretiones omnes suscitant; malè cohærentis sanguinis fibras nutriunt, ac refocillant; atque febriles comprimunt æstus. Illa inter cæteris multum præstant farinacea; omnium sæculorum usu comprobatus est cibus ex ipsis depromptus; tenuem in cremorem facillè solvuntur, & in corpore superantur: chylum blandum cum sanguine non æstuantem præbent: nutritium succum copiosum & humectantem conficiunt: sanguinis & lymphæ acores demulcent: ulcera detergent, viresque resciant.

V.

TOTO orbe, omni ævo, eximias farinaceorum virtutes arte perficere studuit homo novitatis cupidus. Sic valdè tritum in omnibus penè morbis, apud Græcos ex *χάρη* & *σπύρα* alimentum. Apud Romanos primò celeberrimum fuit Far; deinde Alica ex Zeâ factitia; postremò Far, priori diversum. Hodie verò Itali suum laudant Vermichelli. Semolam, Pedemontani & Sabaudi. Grutum, Armorici ac Delphici. Avenaceam Atheram Neustriaci, quæ *Habermuos* Germanorum. Ubique variæ venditantur polentæ. Ubique laudantur oryza, & hordeum glumis exemptum. At verò his omnibus palmam præripit SAGOU nostrum, æqualis cibus, suavis, facillè superabilis; levior, concoctuque facilius, quàm oryza: hæc ardenti sæpius hæret ventriculo, ipsum gravat; alvumque exsiccant. Hordeata ventriculum & intestina, flatuum copiâ dilacerant; detergent quidem, sed quas sublevant partes, simul deterunt. Ventriculo & intestinis plurimùm è contra prodest SAGOU; illa blandè fovendo, humectando, & ab humorum saburrâ tuendo. Numquid chocolatæ usus magis refocillat? obstat crassius oleum quo depisitur Cacao. diu sustentat; sed in vasis diutiùs moratur; corporis liquores commover, atque cardialgiæ nonnunquam fomes evadit. Celeriter nutrit, celeriter egeritur SAGOU. Nec æquè frigerans est, ac

sunt avenacea : corporis humiditates nimis alliciunt ; hinc intesti-
 norum sequitur lævitas ; hinc liquor gastricus , pancreaticusque
 merè aquosus ac vappidus fit ; atque ulcerum cicatrix moratur.
 Vitæ principis nostræ , magis analogum SAGOU , ignem animale ,
 vitæ flammulam non exstinguit : hæticum calorem obtundendo ,
 nativi vices obit. Procul absint frumentacea ; ab his sanguinis mo-
 tus intenditur ; atque lymphæ nutritiæ humectantis parùm con-
 ficitur. Uno verbo , cærealia omnia , quoquomodo parata , perspi-
 rabilia bruta concitare solent. Amygdalata corruptioni minimè
 obnoxia sunt , humorumque calorem hæticum obtundunt ; at
 crassiora & maximè frigida , per corporis canales laboriosè di-
 stribuuntur : exaltata sanguinis principia comprimendo , disso-
 ciant , hæc per se existunt & gravant. Cærealia inter & amygdala-
 cea , medium tenet SAGOU , gummosum , acores oblinat ac demul-
 cet : atque speciatim fluxiones sistit ; hinc tussiculosis , sputatori-
 bus , catarrhosis proficuum. Opportunissimum alimentum , præ-
 stantissimum Medicamentum. Optimum alterantium , ut sit me-
 dicamentum in alimento , & alimentum in medicamento. Utrum-
 que eximium præstabit SAGOU.

Ergo SAGOU Phthisicis prodest.

Proponebat Parisiis PAULUS JACOBUS MALOUIN,
 Cadomæus, Baccalaureus Medicus, A. R. S. H. 1729.
 à sextâ ad meridiem.